

Galatia

1 ¹Ic onarunec me ic méjnéj zéyec niñac qahac, néj Yesu zéma i humuc igucnec meqelimiyec Anutu mañgoc ierej méli néju hahaya Yesuac Méliméli ic Paulo neñ imi ²ninzéj ninzéj dacmuna hécna moczoj niguc keczu iniguc momacnec hénaorij Galatia baeciguc kecma kenzu onac muru ³neñaj Anutu mañgocnina zéma Miñ Kewunina Yesu Kristo iorarunec ewa hia zéma luaenéj hama he énécmimac niñac wanzij. ⁴Kristonéj Anutu neñaj mañgocninawac ewa siña méndacma neñaj baec yomuac hicñisai biria yomuacnec metecgé nénécmimanj zé képésicnina niñac wamma eñeya séwi kekecy a wai nénécmiyec. ⁵Imuac iwac muru edamuya teteçga qahac hema emma hema kecmac. Hélaçnec!

Buñ suruc hiabia imi méj ménda hezac.

⁶Ini Anutunéj Kristoac ewa hiayaiguc unuruma énépésiyec, wañu ini focnec i waima ackuažéc tanera méñiguc kendaczu imuac niñ welicgé énécmizua. ⁷Wañu imi buñ suruc hiabia méj ménda wanzac, néj ic tosia ienej mesoho énécmima Kristoac buñ suruc hiabia imi zébirigic tanera méj wañanzac. ⁸Wañu nenej me kua meme uñ méj kurumeñ igucnec hahayanéj buñ suruc hiabia énézéyij imi mesohoma méñac énézémaciguc imi saecginaguc wandacmac. ⁹Walac énézéyi imuacnec mia deguc muñguc énézézia. Méjnéj méj buñ suruc hiabia walac nimma késagic imi qahac, néj méñac énézémaciguc imi saecyaguc wammac.

¹⁰Ni degucmi icnéj niñgic sécgémac niñac wanzua me Anutunéj niñu sécgémac niñac wanzua? Ni ic ienej welicgé némmu niñac zézua me? Ni ic ienej niñgic sécgémac niñac zéwíneç imi Kristoac weleñ qeçe icya héla ménda wambineç.

Anutunéj Paulo dimuhuc héihéré miyec imuac suruc.

¹¹Dacmuna hécna, eneñ niñteçgicmu niñac énézézia, buñ suruc hiabia zéauanzua imi ic méñac ewa siñ méndacmimia qahac. ¹²Imi mia ni ic méñac murunec ménda meyi me ic méjnéj ménda ku néñec, néj Yesu Kristo eñeyaoc measari néju iwarunec meyi.

¹³Ni becneç Yuda ic ionac héna tima keru imuaru, ini niŋgic ésécneç Anutuac hénaoriŋ réwérianec ununesi waŋ énécmima mebiru énécmiyi. ¹⁴Waŋu ni imi yawuŋ momachéçna sasala onogicma Yuda ic ionac héna imi selianec ninzéŋgéma yanda héçninawac ac pakeŋ mératéc memeya imuac seliseli wamma méndacaŋi. ¹⁵Waŋu neŋgocnawac héru qeru igucneç gésinémma ewa hiaya niŋac wamma héihéré néŋec inéŋ mia ¹⁶Naŋawac hénia imi ic enia ionac muru zéau énéçmimaŋ niŋac, i ewa qerinaiguc ewa hia nimma mihicŋi néŋec nalé imuaru, ni baec ic iniguc ménda eminiŋi. ¹⁷Waŋu ic walac héniçma Yesuac Méliméli ic ai megic ionac inicmaŋ zé Yerusalem ménda keŋi, néŋ moczoŋ Arabia baeciguc kemmaguc Damasiko amaiguc liliŋéma keŋi.

¹⁸Imuacneç keçma yawuŋ haréwéc tecgéyu Petero (Kefa zémimia) hémmaŋ zé Yerusalem ekemma i guç momacneç ai meme 15 keru. ¹⁹Waŋu nalé imuaru Yesuac Méliméli ic tosara ménda iniru, néŋ Miŋ Kewuninawac munaya Yakobo iwacneç héŋi. ²⁰Héŋgic, ni onac niŋ wamma kiwi ozua yomi imi ikoc qahac. ²¹Imuac andiaiguc Siria zéma Kilikia baec keremba ²²Kristoac hénaoriŋ Yuda baeciguc keczu ieneŋ becneç kic tanecna ménda héŋgic, néŋ ²³ic méŋ nunuhéi waŋec iminéŋ deguc ninzéŋ ninzéŋ walac qetéŋgémaŋ zé waŋaŋec imuac mia deguc zéaukeczac imuac sac zéŋgic niŋgic. ²⁴Nimma nuac niŋac Anutu mepésigic.

Yesuac Méliméli ic ieneŋ Paulo aŋgétima tétéçgémiŋic.

2 ¹Ai yawuŋ 14 tecgéyu neŋ Banabaguc Tito wagicma muŋguc Yerusalem ekeŋiŋ. ²Imi mia Anutunéŋ nézéyu hémma ekemma buŋa suruc hiabia ic enia ionac sugçinaiguc zéauaŋi imuacneç énézéyi. Énézéma aina memaŋac hezac imi zéma walac meyi imi momacneç héla qahac ménda wambac niŋac qacçina keŋkeŋa ionacneç sac énézéyi. ³Waŋu Giriç ic Tito niguc momacneç kereç i acguc séwi tasia hériçmac niŋac ménda zénaŋgémiyi. ⁴Imi mia dacmuna ikora tosara éléŋneç haréçic ionac niŋac imuhuc waŋi. Ieneŋ imi Kristo Yesuac qeriaiguc hulacamuma keczuŋi imi kowu ninicma acnéŋ qaténénéçmiŋic weleŋ qeénéçmiwiŋ niŋac imuhuc waŋgic. ⁵Waŋu buŋa suruc hiabia imi onac sugçinaiguc nalé séc hemac niŋac nalé hotoŋadac méŋ ionac ac niŋac ménda bélaçgéyiŋ. ⁶Qacçina niŋénéçmiŋic keczu ionac sugçinaiguc méŋac méŋ ewa éréhéç ménda waŋaŋzua. Anutu imi ic ionac séwigina tanerawac ménda hémma énépésianzac. Ic qacçina keŋkeŋa ieneŋ méŋac méŋ ménda méra néŋgic, ⁷néŋ néwécçeŋaiguc Peteronéŋ séwiac asé kiwiginaguc ionac muru buŋa suruc hiabia énézémac niŋ ai buŋa qemiyeç ésécneç ni imuhucyanec ic enia ionac ai buŋa qenéŋec imi héŋteçgic. ⁸Waŋu Petro qinçinçi mima séwi hericçinaguc ionac Méliméli ic oporeç inéŋ mia ni momacneç qinçinçi némma ic enia ionac

Méliméli ic noporec. ⁹Waņu ai ic tandéya éséc nec zéma ninjénéc mianzu Yakobo zéma Kefa zéma Yohane ienej goi héihéiya nuac muru nénu hezac imi héntegicma ni zéma Banaba imi ic enia ionac muru kenzić eņaoc imi séwi tasé hericheric ginaguc ionac muru kembij zé ninjic hiaruyu yaižézénira zéma méranira qegic. ¹⁰Waņu maqeqeya ionac ninqeli énécmiwic imuac nec sac qesinércmigic. Waņu haka silic imuhucya imi neį bec seliseli wamma meanį.

Paulonéį Petero zéqegetali wammiyec.

¹¹Waņu Kefanéį Antiokia ama areņaiguc hayec imuaru hakasilic Képésiraguc ménį waņu musu qeqe wammima ac zémiyi. ¹²Walac Yakoboac murunec ic tosara hagic ieneį ménda harédacgic nec Kefanéį ic enia iniguc momac nec nene nema tarec, néį ic ieneį hosucgé énécmigic séwi hericginaguc ionac bac yandi yandi wamma néįgacma keįec. ¹³Waņu Yuda ic tosara acguc toroqemima haka tilicqilicya waņgic, Banaba acguc ionac haka tilicqilic ginanéį hérémiyu sigima keįec. ¹⁴Waņu hémba buņa suruc hiabia imuac héna dindiņa hezac séc ménda tigic moczoį yanda kicginaiguc Kefa^a yomuhuc ézéyi; Gi imi Yuda ic, waņu kileį Yuda ic tanec qahac, néį ic enia tanec kecma némac niņac ic enia ieneį Yuda ic ionac héna méndacmu niņ seliseli wamma héihéré énécmikecząį?

¹⁵Neņaį ic enia késpedesicguc kekera ionac murunec qahac, néį Yuda ic hicņiyį. ¹⁶Késpedesic soląį zémimia imi héna ac wawaį memeya iguc nec qahac, néį Yesu Kristo ninžéņgé mimia imuac nec hezac imi ninziį. Imuac niņ nini acguc Kristo Yesu ninžéņgéanziį. Imi mia nini héna ac wawaį memeya iguc nec qahac, néį Kristo ninžéņgé mini késpedesic soląį zénénécmimac imuac niņ mia. Héna acac wawaį memeiguc séwi ic méņac ménį késpedesic soląį zémimia ménį ménda hezac. ¹⁷Neņaį Yesu Kristoac qeriaiguc késpedesic soląį zé nénécmimia wammac niņ seliseli waņkećni késpedesicnéį mihicņi nénécmimaciguc, Kristonéį késpedesic imuac weleį qeqe ic wanzac me? Imi moczoį nec qahac! ¹⁸Ni némac iwawai ménį qema téņgéyi imi muņguc meyac kumumaņiguc, hakana iminéį measariyu nenaoc héna ac logilogi ic tanec wammaį. ¹⁹Héna acnéį zétéćgéyu humuma héna ac iguc nec aņgéį tiamuyi imi Anutuac kic hihi wamma qeliqeli kecmaį niņac imuhuc waįi. ²⁰Ni imi Kristoguc ic héįgeņa wéndaraiguc nurugic humuyi. Imuac deguc kecżua yomi imi nenaoc qahac, néį qerinaiguc kećnéņzac Kristo imi mia. Kekećna séwinaguc kecżua imi goina héima nuac niņ wamma eņeya séwi kekećya waiyec Anutuac naņa i ninžéņgéma ninžéį ninžéį imuac qeriaiguc kecążua. ²¹Ni Anutuac ewa hiaya imi ménda qetalizua. Késpedesic soląį

^a 2:14 Kefa imi Hebraio ac, Petero imi Girik ac, héniağira imi neņaį aciguc Żamanziį.

wawaŋa imi héna ac igucnec haanzaciguc Kristonéŋ eŋ humuyec tanec wammac.

Ninzéŋ ninzéŋac héna.

3 ¹O Galatia ic qelaŋa! Yesu Kristo imi dimuhuc ic héŋgeŋa wéndaraiguc qegic keŋkecma humuyec imi dindiŋanec zéasari énécmiwa nindacgic, néŋ kileŋ mérénéŋ ewa soho meénécmizac? ²Ni onac murunec haka momacguc sac qesinimmaŋ zé wanŋua. Ini Uŋa Téréya imi héna ac tohoma megic me Yesu ninzéŋgéma megic? ³Ini ewa soho wanŋu me? Uŋa téréyaguc héŋigic, néŋ deguc Uŋa téréya waima séwiginawac siŋiguc metecgéwiŋ zé wanŋu me? ⁴Ini haka kuhaguc sasala imuhucya hicŋi énécmiyu héŋgic imi héla qahac eŋomia wanŋac me? Imi hélacnec eŋomia me? ⁵Imuhuc waŋu Anutu Uŋa téréya énécmima suginaiguc kuc méréra mewininima kerec imi ta héna ac tohotoho imuacnec me Yesu ninzéŋgé mimia imuacnec? ⁶Abarahamnéŋ Anutu ninzéŋgéyu ic solaŋa zémimia waŋec.

⁷Imuac ic embac ninzéŋ ninzéŋ igucnecnéŋ Abarahamac qelihéra wanŋu imi niŋasarimu. ⁸Waŋu Anutunéŋ ic enia ninzéŋ ninzéŋgina niŋac wamma solaŋa zé énécmimac imi walac niŋasarima Abaraham buŋa suruc hiabia imi yomuhuc ézéma zéyec; Baera baera ic embac imi guac qerigaiguc mozocgé énécmimia wammac. ⁹Imuac ic embac ninzéŋ ninzéŋ igucnec ieneŋ imi ninzéŋgéma kecaŋec Abaraham i guc mozocgé énécmimia wammac. ¹⁰Mérénéŋ méŋ héna ac wawaŋa imuac héima nanŋu séc saecac méra bawu kecŋu imuhuc ooyawac hezac imuac niŋ héna acac ai mezu séc saecac bawaiŋuc kecŋu. ¹¹Waŋu Anutuac kiwaiŋuc ic méŋnéŋ héna ac méndacma solaŋanimac ac séc qahac téŋgéŋ. Imi mia ic solaŋanéŋ ninzéŋ ninzéŋiguc sac kecmu. ¹²Héna ac imi ninzéŋ ninzéŋ igucnec hahaya qahac, imuac ic mérénéŋ héna aciguc kiwi hezac imi méndacanzac inéŋ héna ac qeriaiguc kecmac. ¹³Kristonéŋ neŋaŋ niŋac wamma saec ac zémimia waŋec. Waŋu héna acac saec ac igucnec mulu menénécmiyec. Imuac mia ic qahaiguc qegic nanana séc saecac bawaiŋuc kekera imuhuc ooyawac hezac. ¹⁴Imi mia Kristo Yesuac qeriaiguc Abarahamac mériaŋnéŋ ic enia ionac muru kereŋu neŋaŋ ninzéŋ ninzéŋiguc namma sisipac acac buŋa uŋa téréya nénécmiyu aŋgéŋ tiwiŋ niŋac imuhuc waŋec.

Héna ac zéma sisipac ac.

¹⁵Dacmuna hécna, baec ic neŋaŋ kecaŋziŋ igucnec séséc méŋ héima zéwa. Icac sisipac ac acguc zétecgéni méŋnéŋ méŋ aumac me toro qemacac séc qahac waŋanzac. ¹⁶Waŋu sisipac ac méŋ yomi mia Abaraham zéma qelia iorac muru zézéya waŋec. Waŋu sasala niŋac qelihécga ménda zéma momacguc sac niŋac zéma guac qeliga zéyec.

Waņu imi mia Kristo. ¹⁷Ni zézua imi yomuhuc niņac, Anutunéj walac zéseliyec sisipac ac yomi imi mia Moseac héna ac yawuņ 430 tecgéguguc hicņiyec iminéj qeyu kemma héla qahac wammacac séc qahac. ¹⁸Mératéc imi héna ac igucnec hayeciguc sisipac ac igucnec hahaya qahac, néj Anutuac sisipac ac niņac wamma Abaraham ewa hiawac eņ miyec. ¹⁹Imuhuc waņu bec héna ac imi némac niņac nénécmiyec me? Imi mia ac qeqe niņac toroqe nénécmiyec. Imi mia kua meme uņanéj ic suc Moseac méria igucnec nénécmiyec. Waņu hekeru sisipac acac buņa Abarahamac qelianéj hayu aiya tecgémacac heyec. ²⁰Ic momacguc sac keru ic suc imi aiya qahac. Waņu néwécgeņaiguc Anutu imi momacguc imuac mia Moseac ic suc zézua.

Weleņqeqe ichéra me nambérac héra?

²¹Waņu héna ac iminéj Anutuac sisipac ac imi qéfacgézac me? Imuhuc wammacac séc qahac. Waņu héna ac kekec hémbénaņa nénécmimac séc imuhucya nénécmiyeciguc solaņa zémimia imi héna ac igucnec hawacnec, ²²Yesu Kristo ninzégégic énécmimaņ zéma zikiziki ac meyec imuac héla imi ninzégic ninzégic ic onac énécmimaņ zé héna acac kiwi téryanéj momac yanda képésic bawaiguc qaté énécmiyec.

²³Becnec ninzégic ninzégic imi ménda hayec imuaru nini héna acac méra bawu qaté nénécmiyu kerij. Qaté nénécmiyunec kecni ninzégic ninzégic mewinini nénécmimiawac naléya hayec. ²⁴Nalé imuac suraiguc héna ac iminéj neņaņ ninzégic ninzégicnina niņac solaņa zénénécmimia wammac niņac Kristoac muru keņkeņawac mindi mindiņi icnina éséc wamma kerec. ²⁵Deguc ninzégic ninzégicac héla hayu mindi mindiņi icnina héna ac imuac méra bawu ménda kecanzij.

²⁶Ini moczoņ yanda ninzégic ninzégicgina niņac Yesu Kristoac qeriaiguc Anutuac naņhéra wamma keczu. ²⁷Némac niņ méņnéj méj Kristoac muru toroqema doku naec énécmimia waņec séc Kristo imi owo malekugina ésécnec héigic meénécmiyu keczu. ²⁸Waņu ini imi Yuda ic me, Girik ic me, hésa ic me, miņ maņgoc kekera me, weleņ qeqe ic me, ic me embac moczoņ Kristo Yesuac qeriaiguc momacguc wanžu. ²⁹Ini Kristoac buņa keczuiguc imi ini Abarahamac qelihéra wanžu. Waņu sisipac aciguc namma ini mératéc imuac miņina wanžu.

4 ¹Waņu mératéc miņinanéj iwawai moczoņ imuac miņina wanžac, néj nambérac kecmac imuac suraiguc imi weleņ qeqe icac sécya ménda ogicmac. ²Waņu maņgocyanéj naléya zéyec séc mindi mindiņi ic me ai ic kiwawac méra bawu kecanzac. ³Imuac neņaņ acguc imuhuyanec, nambérac kerij nalé imuaru baecac héna tosia mamaya imuac weleņ qeqe ic kerij. ⁴Waņu nalé imi hahéiyu Anutunéj naņa méli nénécmiyu embacac héri qeri igucnec zéma héna acac méra bawu hicņiyec. ⁵Imi

mia héna acac méra bawu keczu nini boŋhére menénéc-mima Anutuac naŋhéra imuac buŋa nénécmiyu aŋgétiwij niŋac imuhuc waŋec. ⁶Ini Anutuac nambérac wanŋu imuac niŋac Anutunéŋ eŋeya naŋawac uŋa imi ewa qerinaiguc méli nénécmiyu Anutuac Aba maŋgoc zéma qacanzij. ⁷Imuac gi degucmuacnec weleŋ qeŋe ic qahac, néŋ naŋa kecaŋaŋ. Waŋu naŋa kecaŋaŋiguc Anutuac murunec mératéc mema imuac miŋina wamma kecaŋaŋ.

**Paulonéŋ Galatia ic ionac niŋac
goro ac énézéyec.**

⁸Ini bec imuaru imi Anutu ménda niŋasarima iwawai Anutu héla qahac imuac weleŋ qeŋegina kecgic. ⁹Waŋu deguc imi ini Anutu nimmizu, waŋu imuacnec toroqema Anutunéŋ ini niŋénéc-mianŋac. Waŋu dimuhuc niŋac niniŋ eŋomia mamaya^b baecac niniŋ efefia imuac liliŋgéma muŋguc imuac ziki sipac ichéra kecbij zé wanŋu? ¹⁰Ini ai meme nalé zéma maso zéma kendonŋ yanda zéma yawuŋ imi eeya héima kecaŋu. ¹¹Imuac ni onac niŋac ai seliseli wamma meyi imi héla qahac wambac niŋac bac yandi yandi wanŋua.

¹²Dacmuna hécna ni onac séc wamma kecaŋua imuac welec énécmima zézua, ini nuac séc wamma kecmu. Ini kecma hama haka biria ménŋ ménda waŋ néŋgic. ¹³Ni hénihéniaiguc imi hafi zepananéŋ waŋu onacmuru hama buŋa suruc hiabia zéauénécmiyi imi ini ninzu. ¹⁴Nuac niŋgic réwérimacac séc imuhucyanéŋ séwinaiguc heyec, néŋ mema titi ménda waŋ némma ni ménda wainéŋgic, néŋ Anutuac kua meme uŋa me Kristo Yesuac séciguc niŋnémma héihéré néŋgic. ¹⁵Waŋu deguc ségiségigina imi dimia kendaczac? Ni héipuc ac héla énézéwa niŋgic. Nalé imuhucŋeŋ imi wawaŋawac séc wambacnec kic gomacgina acguc hia néfindiŋgéma némbuac séc waŋgic. ¹⁶Waŋu deguc imi actuazéc héla énézéwa nuac niŋgic hazécgina wanŋua me? ¹⁷Ic imuhuya imi eneŋ onac niŋ wamma seliseli wanŋu imi hénia hiabiawac qahac, néŋ wéségina misigic tosara andé unuma kemma ionac muru qékétama niŋhumu énécmimu niŋac imuhuc waŋ énécmima keczu. ¹⁸Haka hiabiawac qeri siŋginanéŋ wawaŋa imi ni iniguc kecaŋua nalé imuac sac qahac, néŋ nalé séc hiabia wanŋac. ¹⁹Nambérac hécna ni onac niŋac wamma merac memeya ésécnec aŋi niyu qenŋeŋ maŋŋeŋ qemanec kecba ewa qeriginaiguc Kristoac kekec tanera imi hicŋi tegiruguc waimaŋ. ²⁰Ni onac niŋac aurima sicsaoc wanŋua. Imuac nalé yomuaru focdac hama iniguc kecma ewana melemma bénzéŋnec ac énézémaŋ niŋ waŋ néŋu kecua.

^b 4:9 Ic onac kekecginanéŋ uŋa ionac méra bawu hezac zéma niŋzénégégic, waŋu imuac hénia imi ménni sikiluac kic taneraiguc hezac zéma imuac nimbij zé waŋgic.

Haga zéma Sara.

²¹Nézégic nimba, héna acac méra bawu kecbiŋ zé ninzu ini héna ac imi ménda niŋtegiczu me? ²²Yomuhuc mia ogic hezac; Abaraham imi naŋ héréra éréhéc keroc. Méŋ imi embac sisipac acyaguc iwac murunec méŋ imi embac sisipac acya qahac iwac murunec. ²³Weleŋ qeqe embac iwac murunec imi séwi busu igucnec hicŋihicŋiya, néŋ embac miŋjina iwac murunec imi sisipac ac qelia igucnec hicŋihicŋiya wanzac. ²⁴Ac yomi séséc ac wanzac. Embac éréhéc imi sisipac ac éréhéc, méŋ imi Sinai baec boŋa imuaru weleŋ qeqe ic mihicŋiyec Haga imi mia. ²⁵Haga imi Sinai baec boŋa Arabiaiguc nanaŋa, Yerusalem deguc hezac imuac sésécya. Inéŋ eŋeya nambérac héra iniguc weleŋ qeqe ic wamma keczu. ²⁶Waŋu Yerusalem méŋ kurumenŋiguc hezac imi ziki sipacya qahac hezac. Iminéŋ mia neŋgocnina wanzac. ²⁷Imuac mia yomuhuc ogic hezac; Embac euya qahac iwac qelihéranéŋ embac euyaguc iwac nambérac héra ionac zaŋgégina ogiczac. Imuac niŋac, o embac héfiŋa gi ségiségi wambésémaŋ! Azi ménda gianzac gi kucnec qacna! ²⁸Dacmuna hécna, ini Isaka ésécnec sisipac ac imuac nambérac héra wanzu. ²⁹Waŋu nalé imuaru merac séwi igucnec hicŋiyec inéŋ merac uŋa téréya igucnec hicŋiyec imi qenesi wammiyec séc deguc acguc imuhucyanec. ³⁰Waŋu kiwi téréyanéŋ dimuhuc zézac? Weleŋ qeqe embac zéma naŋa nesi érécmina keŋic. Némac niŋ weleŋ qeqe embac iwac naŋanéŋ embac ziki sipacya qahac iwac naŋaguc momacnec mératéc ménda memaoc zéyec? ³¹Imuac dacmuna hécna, neŋaŋ imi weleŋ qeqe embac iwac nambérac héra qahac, néŋ embac miŋjina iwac merachéra wamma kecziŋ.

Kristonéŋ ziki sipac igucnec hulac nénécmiyec.

5 ¹Zikisipacnina qahac kecbiŋ niŋac ziki sipac igucnec hulac nénécmiyec. Imuac niŋac naŋselima ziki sipacguc kekecac teŋ hésaya imi muŋguc ménda bisiwésémaŋ.

²Ninzu? Paulo neŋ mia énézézua, ini séwi tasé hericheric meénéc mimuiguc imi Kristo imi onac muru eŋomia wammac. ³Muŋguc zéauma énézéwa, ic mérénéŋ séwi tasé hericheric memimia wammaciguc inéŋ héna ac moczoŋ wamma medacmac ac hezac. ⁴Héna ac qeriaiguc ic solaŋa zéénécmimac niŋac wanzu ini Kristoguc toro qeqeya imi tegicma goi héihéi igucnec metecgé énécmimia wanzac. ⁵Neŋaŋ imi uŋa téréyanéŋ naŋgé nénécmiyu ninzéŋ ninzéŋiguc solaŋa dindiŋa zénénécmiyu nimbiŋ zé niŋkumuma mambécanzŋi. ⁶Kristo Yesuac qeriaiguc imi séwi tasé heric herira zéma ménda hericherira imi aigira qahac, néŋ imuaru imi Anutuac siŋ qeriaiguc ai meanzac ninzéŋ ninzéŋ imi sac hezac.

7Ini usujnec hiabianec keŋaŋgic, néj méréneŋ ackuažéc héla imi ménda tohomu niŋac héric énécmiyec? 8Žéhinoc ac imuhucya imi unuruma héihéré énécmiyec Anutu iwac murunec ménda hicŋiyec. 9Ninzu, yis komoranéŋ saima uha dokuyaguc imi moczoŋ sécgéanzac. 10Eneŋ niniŋ tosara ménda aŋgétimu imi Miŋ Kewuninawac qeriaiguc ninžéŋgézua. Waŋu ic méréneŋ méj ewa soho mihicŋi énécmimac imi kitiwa memac. 11Dacmuna hécna, ni séwi tasé hericheric imuac hénia zéau énécmima kecbinec hénia némac niŋac nuhéi wambunec? Imuhuc wambinec ic héŋgeŋa wéndara imi aunénéŋa waŋu iminéŋ hénana ménda kizicgéwacnec. 12Ic méréneŋ méj yéwéri imuhucya mihicŋi énécmima keczu imi eneŋ séwiya sac qahac, néj gocmiagina momacnec moczoŋ héricdacma kecmu niŋac wanzua.

13Dacmuna hécna ini ziki sipac qahac kecmu niŋ unuruyec. Néj ziki sipac qahac kekecnéŋ usugina waŋ énécmiyu séwiac siŋgina tohomu niŋ nalé titiŋa ménda mihicŋi énécmimac, néj goi héihéiiguc welen qeamuma kecmu. 14Imuac mia geŋga goiga héi amuanzaŋ séc imuhucyanec alagawac goiya héimibésémaŋ zézéya momacguc yominéŋ mia hénac ac moczoŋ mesolaŋanizac. 15Ini mia eŋawunec kuanéŋ injima qécgéamuma qahac wambu niŋac goro ac énézézua.

Anutuac Uŋa zéma séwininawac siŋ.

16Waŋu mia yomuhuc zézua; Ini Uŋa téréyawac méndacmima hakagina wammu. Imuhuc waŋgic séwiginawac siŋsiŋ imi ménda seligimac. 17Séwiac siŋsiŋ iminéŋ Uŋa Téréya qetalimianzac. Waŋu imuhucyanec uŋa téréyawac siŋsiŋ iminéŋ séwiac siŋsiŋ qetalimianzac. Imuac siŋsiŋ éréhécnéŋ hazéc waŋamuma euyic haka méj wambiŋ zé ninzu imi wammuc séc qahac waŋanzac. 18Uŋa téréyanéŋ hénagina walac andu waŋ énécmimac imi ini hénac acac méra bawu ménda kecmu. 19Séwiac haka silic imi usuya qahac hémma nindacziŋ. Imi mia kaisero, niniŋ zapi qeqeya, haka gamu qeqeya, 20baniara mepé qepési, suŋa zinac, hazéc hazéc kekec, daŋpero ac, nimbupuc biria, qeri bélaŋ, tualefic, féŋgéc, téamuma kekec, ackuažéc ikorawac téamuma kekec 21wanna wamba, doku selia nene, nezéléléŋ, zéma haka imuhucya tosara mia. Becnec zéseli énécmiyi imuac séc zéseli énécmizua. Haka imuhucya wammu imi eneŋ Anutuac héŋgaleŋ ama areŋa yanda imi mératéc ménda memuac hezac.

22Waŋu uŋa téréyawac héla gocmia imi mia yomuhuc. Goi héihéi, ségiségi, luae, qeri bénzéŋ, ala kekec, ehéihéi, méŋzé méŋzéya qahac, 23gum bénzénzéŋ, qerinéŋ sigisigi kekec, haka imuhucyawac imi hénac ac méŋnéŋ méj neuŋ ménda héianzac. 24Kristo Yesuac ic embachéra imi eneŋ séwigina zéma imuac siŋsiŋ imi ic héŋgeŋa wéndaraiguc qedacgic. 25Neŋaŋ uŋa téréyaguc kecziŋiguc uŋa téréyaguc qéhéréŋgéma tacyac

wambij. ²⁶Edamu asaha eŋomiawac ménda wamma eŋacnec nimbupuc biria ménda wamma qeri netunetu ménda waŋamumu.

Baocgé amuma kecmu.

6 ¹Dacmuna hécna ic méŋnéŋ bélacgéma késpedes méŋ waŋu winiŋu hicŋiyu ic téréya ini qerigina gum bénzénzén anec mindiŋi mima eŋaŋ hakagina acguc niŋgési amuma eŋaŋ acguc manam batuciguc embu niŋac wamma bac yandi yandi wamma kecmu. ²Réwérigina imi wagic amuma bisimu. Imuhuc wamma Kristoac héna ac niŋtohodacmu. ³Ic méŋnéŋ eŋomia kecma eŋeyawac niŋu tosara onogicma eŋeŋa waŋu ic imi ikoc waŋamuzac. ⁴Icya icya eŋeya wawaŋ memeya héŋgaleŋ waŋamumac. Imuhuc waŋu zézé ségiségi ac imi tosara ionac muru qahac, néŋ eŋeya wawaŋ memeyaiguc sac hemimac. ⁵Eŋeya réwéria imi eŋeyaoc bisimac. ⁶Ic méŋ ackuazécc kumimia wamma niniŋ niŋareŋ géanzac inéŋ iwac iwawaiya hiabia moczoŋ ic kumianzac imiguc momacnec amunec qamunec wammaoc. ⁷Ic méŋnéŋ iwawai méŋ himicmac imi héla imuacnec sac metocgéanzac. Imuac niŋac ini eŋaoc ikoc ménda waŋamumu. Anutu imi ménda zédesi wammimia. ⁸Eŋeya séwíac niŋ wamma himicanzac imi séwíya igucnec iwawai hou houyawac metocgémac, néŋ uŋa téréyawac niŋac wamma himicanzac inéŋ uŋa téréyawac murunec kekec seli metocgémac. ⁹Neŋaŋ haka hiabia wamma kuc mama ménda wambij. Kuc mama qahac kecbiŋiguc naléya ducŋiyu héla gocmia metocgé wambij. ¹⁰Imuac nini nalé he nénécmimac imuac séc ic embac moczoŋ wawaŋ meme hiabia waŋ énécmiwiŋ. Imuhuc wamma niŋzénŋ niŋzénŋac héna gésé ionac imi séc méŋ nétéréma imuhuc waŋ énécmiwiŋ.

Goro ac tetcgia.

¹¹Héŋgic yomi mérananéŋ kiwi imi kuney kuney o énécmizua. ¹²Ic tosara séwiiiguc kiwi hiabia mewij zé wanzu imi eneŋ hinocgé énécmima séwí tasé hericheric meénécmianzu imi Kristoac ic héŋgeŋa wéndaraya niŋac wamma ununesi ménda mihicŋiwiŋ zéma imuhuc waŋanzu. ¹³Waŋu séwí tasé hericheric meénécmimia imi eneŋ acguc eŋaoc siŋŋinanéŋ héna ac ménda tohoma ini séwí tasé hericheric memu niŋ zéanzu imi séwí tasé hericheric ic zaŋgégina olomma séwí eŋeŋ wambij zé imuhuc waŋanzu. ¹⁴Waŋu nuac muru imi Yesu Kristoac ic héŋgeŋa wéndara imi qahac waŋu, méŋac méŋ zézé ségiségi ac wammaŋac méŋ ménda henénzac. Kristoac niŋ wamma baec imi nuac muru ic héŋgeŋa wéndaraiguc humuyu ni acguc baecac muru humuyi. ¹⁵Séwí tasé heric herira zéma ménda hericherira imi moczoŋ eŋomia, néŋ kekec qelia meme imi sac eeyaguc wanzac. ¹⁶Haka silic yomi tohomu onac muru zéma Anutuac Israel ic onac muru luae zéma goi héhíéianéŋ he énécmimac.

¹⁷Degucmuacnec méjnénj méj réwéri méj ménda mihicji némmu. Ni imi séwinaiguc Yesuac lépéc kiwiya heyu késa kec3ua.

¹⁸Dacmuna hécna Miñ Kewunina Yesu Kristoac ewa hianénj onac ewa qeriginaiguc hema kecmac. Hélacnec!